

蒲縣志

目錄

卷首

圖攷

卷之一

地理志

沿革

星野

疆域

形勝

山川

風俗

物產

古蹟

陵墓

八景

卷之二

建置志

城池

縣署

縣屬

里社

鄉鎮

市集

關隘

橋梁

兵防

舖舍

坊

卷之三

賦役志

戸口

田賦

屯田

屯丁

外稅

鹽引

卷之四

學校志

廟祀

禮樂

學制

生徒

學田

賓興

鄉飲

載籍

書院

鄉約

卷之五

秩祀志

壇壝

祠廟

寺觀

卷之六

官師志

知縣

佐貳

教職

武弁

循蹟

政畧

卷之七

選舉志

薦辟

進士

舉人

貢士

例監

武舉

武秩

封贈

卷之八

人物志

賢達

文苑

孝友

高義

隱逸

附
鄉官

貞烈

淑媛

卷之九

祥異志

災祥

兵氛

卷之十

藝文志

宸翰

記

序

論

辨

說

疏

書

碑銘

誓文

賦

詩

蒲縣志卷之十

藝文志

掌故所關文與獻並重所以紀政事達民隱宣幽潛之德發流峙之光而非徒揆藻摘華詡夫風雲月露已也蒲僻處偏隅絕少鴻篇然苟其有關掌故不必盡出里賢或傳以事或傳以人或傳以地取其文與事麗而志之工拙非所論焉故頒降宸翰曰制書述事詳實曰傳序稱功紀行曰碑記鳴志寫懷曰詩賦評騭可否曰論曰說叙故詠賢曰銘曰表達之天庭而資啓沃者曰

疏曰策其義各殊爲體亦異作藝文志

宸翰

國家封贈之典榮及一身寵施祖父雖白屋而驟膺
綬卽黃壤而亦被丹封其待士者厚矣士其何以報
廷哉於戲鳳誥光昭千載雲仍紫寵龍章炳耀九泉
骨生香大哉王言褒忠廣孝一以貫之矣用取歷朝制
麻弁諸藝文將使後之覽者感而思奮焉交辭云乎哉
直隸河間府阜城縣知縣曹懋時父母並妻
制曰臣子教忠從仕訓本趨庭錫類推思功歸貽穀是舉

追崇之典以爲繼述之光爾原任山東兗州府東平州
壽張縣知縣曹勣乃直隸河間府阜城縣知縣曹懋時
之父清白傳家仁明試吏撫字穆陽春之化操持嚴礪
夜之知金籊不易傳經棠蔭猶存舊懋邁軸流芳於隱
德箕裘濟美於循聲是用贈爾爲文林郎並增列宿之
輝不負世家之業

制曰婦人相夫從政則冰蘖同清勗子成名則芝蘭並茂
完德徵於繼美錫命符於明倫爾任氏乃直隸河間府
阜城縣知縣曹懋時之母克勤克儉無非無儀盥緹致

恪於高堂繩檢有嚴於中閫垂慈謨於穀似樹茂績於
花封是用贈爾爲孺人魚軒兼再世之榮鸞紙煥九京
之耀

制曰朕綜核吏治阜成兆民惟當三輔要劇之區故爲四
方風厲之始有嘉茂績亟與褒章爾直隸河間府阜城
縣知縣曹懋時擢秀箕城獻書彤陛褒上銓之遴選領
劇縣之荒餘潔已愛民實心任事清郵程之孔竇安鄰
境之荒移荏苒久見其潛踪穠稔漸聞於告稔考徵臺
奏績準勲書茲特授爾階文林郎錫之勅命夫蠅蠶爲

厲蝨蠛復生懸磬不支剥床可慮欲舉救荒之策復
無米之炊其懷永圖尤須豫待爾宜恤體望寬之衆益
勉戴星之勤欽哉

制曰近甸之吏孔道繹騷荒政旁午君子於役夙夜惟勞
厥婦同心昧旦相戒官箴是賴褒錫宜均爾直隸河間
府阜城縣知縣曹懋時妻崔氏夙稟閨儀雅稱女士肅
雍穆於閨內賑恤被於里中絲枲佐膏晷之勤筐篚贊
甌塵之節乃睦循良實茲羽翼是用封爾爲孺人尚矣

儼於邑符庠有光於國典

萬歷四十五年

河南開封府蘭陽縣知縣曹懋孝並妻

制曰朕嘉惠元元每重循良之選爲長吏者能因民而治
卽稱異等况蘭陽爲天中重地饒有古風其有平易近
人者褒嘉詎有後焉爾河南開封府蘭陽縣知縣曹懋
孝器度端凝才猷澄練早擅雕龍之譽割壇共迓主盟
遂標露穎之奇贊序特高鳴鐸剡章交至劇邑專司解
盤錯於善刀朱絃畫靜敷潤膏於胥井綠野春濃化溥
一同單父之賢聲丕著政成三載浚儀之尸祝長懸茲
以歲閱授爾階文林郎錫之勅命夫昔之密邇茲地而

政績有聲者如魯中牟輩史蓋不絕書焉今瞻穰事遷
固自有改絃之鼓然遺風餘韻寧無興仰止於高山乎
爾其格嗣前徽益宏遠績毋謂古今人不相及也朕有
顯庸

制曰人臣戴星綰綬連問梱言乃淑媛則儼然視星而警
矣德可嘉也勞亦可念朕何愛乎寵章不爲閨闈勸也
爾河南開封府蘭陽縣知縣曹懋孝妻趙氏性懷婉婉
德婉柔嘉色笑厯奉乎尊章尸饗佐饒睦和善調乎婦
姒絕少分井方伴東壁以繡經遂鼓南溟而振翮鳴機

聯夜月潘封聆札促之聲靜琴警爛星宓邑奏治平之
調是用封爾爲孺人鸞紵長昭乎懿德燕私彌暢於明

帝

天啟
六年

江西吉安府通判馮主敬父母並妻

制曰子之能仕父教之忠乃朝廷緣思廣孝推所自出而
思命逮焉益亦懿典朕豈有愛也爾馮道南乃江西吉
安府通判主敬之父坦矣幽人寬然長者戢采鴻漸唯
好施而好善貽謀燕翼乃問禮而問詩睠佐刺之蜚聲
念過庭之明訓是用贈爾爲承德郎如子官簡冊與日

星齊耀松楸宜雨露偏承

制曰人子列鼎而痛陟屺於悲風撫高堂之靜樹未有不
愴然興懷者矣及泉渙罷朝廷更爲子若臣體之爾賀
氏乃江西吉安府通判馮主敬之母葺蕙自芳引圖爲
鑑恪供修瀨雅志布荆挽鹿偕怡克作山中之豹隱九
熊明愛聿啓天際之鶴鳴績旣懋於題輿教益彰於斷
杼是用贈爾爲安人爰增松楸之色用慰蓼莪之悲
制曰朕攷安成江山映帶爲荆楚咽喉撫綏之効粹與敬
分任之誠得公忠清幹其人咨我軍國予一人用是亟

爲褒嘉焉爾江西安府通判馮主敬操履端貞才華
敏練黌宮拔備已推多士之前茅丹陛承恩乃作名城
之半刺而爾政成鸞鳳節砥羔羊寓撫字於催科足民
足國勤輸將於夙夜任怨任勞潛察天地之收藏式酌
盈虛於癸庚屢薦薦牘登最課書茲以覃恩授爾階承
德郎錫之勅命夫廬陵故瘠國也民貧而俗魯所在通
負朕切念焉爾宣猷佐守既有成勞矣尚益殫爾心力
體余一人奉畜至意朕且顯畀汝欽哉

制曰士誠自策勵必曰不忘塞焉誠不忘也宜自居室始